



გამოდის 1923 წლის 1 მაისიდან

„ჩინგუძი საცაბთუელთა, სიმუხი ჩუნ ვაბთ ყულათ“

კორსი

სენაკის მუნიციპალიტეტის თავისუფალი გაზეთი

2020 წელი • №5 (9477) • 1-15 მარტი • ფასი 50 თეთრი

მუნიციპალიტეტის მერიად

საქართველოს პრეზიდენტი სენაკში



საქართველოს პრეზიდენტი სალომე ზურაბიშვილი, სამეგრელოში ვიზიტის ფარგლებში, სამეგრელო-ზემო სვანეთის სახელმწიფო რწმუნებულთან ალექსანდრე მონერელიასთან ერთად, 10 მარტს სენაკს ესტუმრა. საქართველოს პრეზიდენტი, სახელმწიფო რწმუნებულთან და სენაკის მუნიციპალიტეტის მერთან ლევან

კუპრეიშვილთან ერთად, თეკლათის ადმინისტრაციული ერთეულის გოლასკურის უბანში, საქართველოს მეფუტკრეთა გაერთიანების თავმჯდომარეს ალექო პაპავასა და მცირე მენარმეებს შეხვდა. მეფუტკრეთა გაერთიანების თავმჯდომარემ პრეზიდენტს უნიკალური ქართული თავლის წარმოების 7000 წლოვანი ისტორია და დარგის განვითარების წინაშე მდგარი გამოწვევები გააცნო. მან, ქართული თავლის წარმოების, პოპულარიზაციისა და რეალიზაციის საქმეში, რომელიც, საქართველოს მეფუტკრეთა გაერთიანების საქმიანობის ძირითადი ამოცანაა, პრეზიდენტს მხარდაჭერა სთხოვა. ვიზიტის ფარგლებში, ქვეყნის უმაღლესი მთავარსარდალი, სენაკის მეორე ქვეითი ბრიგადის ბაზაზე სამხედრო სწავლებას დაეს-



წრო. პრეზიდენტმა ბაზაზე საქართველოს ერთიანობისათვის ბრძოლაში დაღუპულ მემორიალი გვირგვინით შეამკო და აღნიშნა, რომ ჩვენი ქვეყნისა და სახელმწიფოს სიძლიერე ქართულ ჯარზე დგას. დასავლეთ სარდლობის სარდალმა პოლკოვნიკმა ჯონი ტატუნაშვილმა, საქართველოს პრეზიდენტს, დასავლეთ სარდლობის შემადგენლობა წარუდგინა და სარდლობის ისტორიისა და ამოცანების შესახებ, საინფორმაციო ბრიფინგის

სახით მიანოდა ინფორმაცია. იმ დღესვე, საქართველოს პრეზიდენტმა, სამეგრელო-ზემო სვანეთის სახელმწიფო რწმუნებულთან ალექსანდრე მონერელიასთან, სენაკის მუნიციპალიტეტის მერთან ლევან კუპრეიშვილთან, მერის პირველ მოადგილესთან გრიგოლ ბალათურისთან და მერის მოადგილე კახაბერ კუპრეიშვილთან ერთად, აკაკი ხორავას სახელობის სენაკის სახელმწიფო დრამატულ თეატრში მიმდინარე სარეაბილიტაციო სამუშაოები დაათვალიერა, რომელიც უკვე აქტიურ ფაზაშია. კულტურული მემკვიდრეობის ძეგლის სრული რეაბილიტაცია ფონდ „ქართუს“ მხარდაჭერით ხორციელდება და თავისი მასშტაბით უპრეცედენტოა თეატრის ისტორიაში. ვიზიტის დასასრულს, საქართველოს პრეზიდენტმა პატივი მიაგო საქართველოს ეროვნული გმირის ყოფილი შარტავას ხსოვნას და მისი ბიუსტი გვირგვინით შეამკო.

84 წელი აფხაზეთის ომში დაღუპული გენო ადამიას დაბადებიდან...



მშობლიურმა ქალაქმა, საქართველოს ტერიტორიული მთლიანობისათვის ბრძოლაში დაღუპული, ქვეყნის სიყვარულით გულანთებული თანაქალაქელის, გენო ადამიას ხსოვნას პა-

ტივი მიაგო. 8 მარტს, აფხაზეთის ომში გმირულად დაღუპულ გენერალ-მაიორს 84 წელი შეუსრულდებოდა. გენო ადამიას ბიუსტი ყვავილებით შეამკეს სენაკის მუნიციპალიტეტის მერმა ლევან კუპრეიშვილმა, მერის პირველმა მოადგილემ გრიგოლ ბალათურამ, მერის მოადგილემ კახაბერ კუპრეიშვილმა, აფხაზეთის ა/რ მთავრობის, მუნიციპალიტეტის საკრებულოს, მერიისა და საზოგადოების წარმომადგენლებმა. გენო ადამიამ, შეიარაღებული კონფლიქტის დაწყების პირველივე დღიდან, მოხალისენი შემოიკრიბა. ის თანამებრძოლებთან ერთად ბოლომდე იბრძოდა, სოხუმის დაცემის შემდეგაც კი უარი თქვა დანებებაზე და მცირე ძალებით, მაგრამ მაინც ცდილობდა მტერთან გამკლავებას. 1993 წლის 28 სექტემბერს, გენო ადამია კოდორის ხიდან მაშინ მოკლეს, როცა სოხუმში შესვლას ცდილობდა. ოთხი თვის შემდეგ, მისი ნეშტი, საქართველოში გადმოასვენეს და სამხედრო პატივით, ქართულ მიწას მიაბარეს. ჩვენი ქვეყანა და განსაკუთრებით, გმირების მშობელი ქალაქი, თავის გამორჩეულ შვილებს არასოდეს დაივიწყებს!

ტივი მიაგო. 8 მარტს, აფხაზეთის ომში გმირულად დაღუპულ გენერალ-მაიორს 84 წელი შეუსრულდებოდა. გენო ადამიას ბიუსტი ყვავილებით შეამკეს სენაკის მუნიციპალიტეტის მერმა ლევან კუპრეიშვილმა, მერის პირველმა მოადგილემ გრიგოლ ბალათურამ, მერის მოადგილემ კახაბერ კუპრეიშვილმა, აფხაზეთის ა/რ მთავრობის, მუნიციპალიტეტის საკრებულოს, მერიისა და საზოგადოების წარმომადგენლებმა უიული შარტავას ხსოვნას პატივი მიაგეს და ჩვენი დროის გმირი კიდევ ერთხელ გაიხსენეს.

ჟიული შარტავას დაბადებიდან 76 წელი



„ნაუსვლელობა არ შეიძლება. სჯობს ამ ომს შევეწიროთ და მომავალი თაობა გადავარჩინოთ. ჩვენი თაობა ისედაც ვალშია მათ წინაშე...“ „ბოლომდე ვიბრძოლებო, ვიდრე შეგვიძლია და თუ სიკვდილი გვიწერია, არც ეს

უნდა იყოს დიდი ტრაგედია. ისეთი ბიჭები იხოცებიან, რომ ძნელია ამის შემყურემ სიცოცხლეზე იფიქრო. რას იზამ, ბედისწერას ვერ გაექცევი.“ - ეს იყო საქართველოს ეროვნული გმირის, სახელმწიფო და საზოგადო მოღვაწის, სენაკის გამორჩეული შვილის, ჟიული შარტავას უკანასკნელი სიტყვები... 7 მარტს, გმირის დაბადებიდან 76 წელი შესრულდა. წმინდა იოანე ნათლისმცემლის სახელობის სენაკის საკათედრო ტაძარში, დეკანოზმა იოანე კუპრეიშვილმა, ჟიული შარტავასა და ქვეყნის ტერი-

ტორიული მთლიანობისათვის ბრძოლაში დაღუპულთა სულების მოსახსენიებელი პანაშვიდი აღავლინა. სენაკის მუნიციპალიტეტის მერმა ლევან კუპრეიშვილმა, მერის პირველმა მოადგილემ გრიგოლ ბალათურამ, მერის მოადგილემ კახაბერ კუპრეიშვილმა, აფხაზეთის ა/რ მთავრობის, მუნიციპალიტეტის საკრებულოს, მერიისა და საზოგადოების წარმომადგენლებმა უიული შარტავას ხსოვნას პატივი მიაგეს და ჩვენი დროის გმირი კიდევ ერთხელ გაიხსენეს.

სადეზინფექციო სამუშაოები



კორონავირუსის პრევენციული ღონისძიებების ფარგლებში, სენაკის მუნიციპალიტეტის საზოგადოებრივი ჯანდაცვის ცენტრში, ხელოვნების ცენტრის სამუსიკო და სამხატვრო

სკოლებში სადეზინფექციო სამუშაოები ჩატარდა. აღნიშნულ სამუშაოებს, შპს „ჰიგია“, მუნიციპალიტეტის სასპორტო გაერთიანების, მოსწავლე-ახალგაზრდობისა და კულტურის ცენტრებში, სამხატვრო გალერეაში, მუზეუმებსა და საჯარო ბიბლიოთეკაში ახორციელებს. სადეზინფექციო სამუშაოების მიმდინარეობის პროცესს სენაკის მუნიციპალიტეტის მერის პირველი მოადგილე გრიგოლ ბალათურია, მერის მოადგილე კახაბერ კუპრეიშვილი, მუნიციპალური ა(ა)იპ-ების დირექტორებთან ერთად, გაეცნენ.

ზოგადსაგანმანათლებლო სკოლებში

კორონავირუსის პრევენციული ღონისძიებების ფარგლებში, სენაკის მუნიციპალიტეტის ზოგადსაგანმანათლებლო სკოლებში, სადეზინფექციო სამუშაოები ტარდება. შენობები და არსებული ინვენტარი სპეციალური ხსნარებით მუშავდება. ამ დროისთვის, სადეზინფექციო სამუშაოები მუნიციპალიტეტის 11 საჯარო და 6 კერძო სკოლაში დასრულებულია. სადეზინფექციო სამუშაოების მიმდინარეობის პროცესს სენაკის მუნიციპალიტეტის მერის პირველი მოადგილე გრიგოლ ბალათურია და მერის მოადგილე კახაბერ კუპრეიშვილი, საგანმანათლებლო რესურსცენტრის დირექტორთან დარეჯან ზარანდიასთან ერთად, გაეცნენ. სამუშაოებს შპს „პანაცეა+1“ ახორციელებს. სადეზინფექციო სამუშაოები, სასწავ-

ლო პროცესის განახლებამდე ჩატარდება. პრემიერ-მინისტრის ხელმძღვანელობით შექმნილი საკოორდინაციო საბჭოს ფარგლებში ამოქმედებულია საკოორდინაციო სამუშაო ჯგუფები მხარის რწმუნებულების ხელმძღვანელობით. დროებით სამუშაო ჯგუფში სახელმწიფო რწმუნებული, მერები, საკრებულოს თავმჯდომარეები, რესურსცენტრის, დაავადებათა კონტროლისა და საზოგადოებრივი ჯანმრთელობის ეროვნული ცენტრის წარმომადგენლები შედიან. საკოორდინაციო ჯგუფებს კოორდინაციას რეგიონული განვითარებისა და ინფრასტრუქტურის სამინისტრო და საქართველოს პრემიერ-მინისტრის მრჩეველი რეგიონალურ საკითხებში სოზარ სუბარი უწევს. სე-



ნაკის მუნიციპალიტეტის მერმა ლევან კუპრეიშვილმა საკოორდინაციო სამუშაო ჯგუფი საქართველოში კორონავირუსის პირველივე შემთხვევის დაფიქსირებისთანავე შექმნა, რომელსაც თავად ხელმძღვანელობს. სამუშაო ჯგუფის შემადგენლობაში მერიის სამსახურების ხელმძღვანელები, მერის წარმომადგენლები ადმინისტრაციულ ერთეულებში, მუნიციპალური ა(ა)იპ-ებისა და შპს-ების დირექტორები და წარმომადგენლები შედიან.

(გაგრძელება მე-2 გვ-ზე)

მორიბი შეხვედრა



სენაკის მუნიციპალიტეტის მერმა ლევან კუპრეიშვილმა, კორონავირუსის გავრცელების პრევენციის მიზნით შექმნილ საკოორდინაციო სამუშაო ჯგუფთან მორიგი შეხვედრა გამართა. მუნიციპალიტეტის მერმა მოისმინა დეტალური ინფორმაცია ვირუსის გავრცელების თავიდან აცილების კუთხით მიმდინარე და დაგეგმილი ღონისძიებების შესახებ. ამ ეტაპზე, სენაკის მუნიციპალიტეტის მასშტაბით, სადეზინფექციო სამუშაოები 27-ვე საბავშვო და ბაგა-ბაღში ჩატარდა. ამ დღეებში, კორონავირუსის პრევენციული ღონისძიებების ფარგლებში, ყველა საჯარო და კერძო

სკოლაში, ასევე, სახელოვნებო და სპორტულ სკოლებში, ჩატარდება სადეზინფექციო სამუშაოები. სპეციალური ხსნარებით დამუშავდება საზოგადოებრივი დანიშნულების სხვა შენობა-ნაგებობები. სადეზინფექციო სამუშაოები ჩატარდება იმ სატრანსპორტო საშუალებებს, რომლებიც სკოლების მოსწავლეებს ემსახურებიან. სენაკის მუნიციპალიტეტის მერმა ლევან კუპრეიშვილმა საკოორდინაციო სამუშაო ჯგუფი საქართველოში კორონავირუსის პირველი შემთხვევის დაფიქსირებისთანავე შექმნა, რომელსაც თავად ხელმძღვანელობს. სამუშაო ჯგუფის შემადგენლობაში მერიის სამსახურების ხელმძღვანელები, მერის წარმომადგენლები ადმინისტრაციულ ერთეულებში, მუნიციპალური ა(ა).ი.პ-ებისა და შპს-ების დირექტორები და წარმომადგენლები შედიან.

საინფორმაციო შეხვედრა



საქართველოს მთავრობა სოფლის მეურნეობის განვითარების საერთაშორისო ფონდის (IFAD) მხარდაჭერით იწყებს პროექტს - „მერძვეობის დარგის მოდერნიზაციის და ბაზარზე წვდომის პროგრამა“ განხორციელებას. აღნიშნული პროგრამის ფარგლებში, სენაკის მუნიციპალიტეტის მერიის სხდომათა დარბაზში, სოფლის მეურნეობის განვითარების საერთაშორისო ფონდის (IFAD) კოორდინატორებ-

მა სამეგრელო-ზემო სვანეთის რეგიონში - მერაბ დანელიამ და გოგა ადამიამ, საინფორმაციო შეხვედრა გამართეს. შეხვედრას სენაკის მუნიციპალიტეტის მერის პირველი მოადგილე გრიგოლ ბალათურია, მერის მოადგილე კახაბერ კუპრეიშვილი, ადმინისტრაციულ ერთეულებში საქმიანობის კოორდინაციის განყოფილების უფროსი დალი შონია და ადმინისტრაციულ ერთეულებში მერის წარმომადგენლები დაესწრნენ. „მერძვეობის დარგის მოდერნიზაციის და ბაზარზე წვდომის პროგრამას“, რომლის მიზანია სოფლად ეკონომიკის განვითარების ხელშეწყობა, სიღარიბის დაძლევა კონკურენტუნარიანი, მდგრადი და დივერსიფიცირებული მერძვეობის ინდუსტრიის განვითარების გზით, „სოფლისა და სოფლის მეურნეობის განვითარების სააგენტო“ განახორციელებს.

მინის რეგისტრაციის რეფორმის ფარგლებში



სენაკის მუნიციპალიტეტის მერიის სხდომათა დარბაზში, საჯარო რეესტრის ეროვნული სააგენტოს ქონების რეგისტრაციის დეპარტამენტის წარმომადგენლებმა, მინის რეგისტრაციის რეფორმის ფარგლებში, სამუშაო შეხვედრა გამართეს. შეხვედრას სენაკის მუნიციპალიტეტის მერის პირველი მოადგილე გრიგოლ ბალათურია, მერის მოადგილე კახაბერ კუპრეიშვილი, ადმინისტრაციული სამსახურის უფროსის მოვალეობის შემსრულებელი რამაზ კუპრეიშვილი, მერის წარმომადგენლები ადმინისტრაციულ ერთეულებში, ადგილობრივი თვითმმართველობისა და შესაბამისი სამსახურების წარმომადგენ-

ლები ესწრებოდნენ. ქონების რეგისტრაციის დეპარტამენტის უფროსმა გიორგი გადამაძემ, დეპარტამენტის წარმომადგენლებმა თამარ თაქთაქიშვილმა და დიმიტრი მახათაძემ დეტალურად ისაუბრეს მინის რეგისტრაციის სახელმწიფო პროექტისა და იმ საკანონმდებლო ცვლილებების შესახებ, რომლებიც მოქალაქეთათვის სარეგისტრაციო პროცედურების გამარტივებას ემსახურება და მას მაქსიმალურად ხელმისაწვდომს ხდის. საკანონმდებლო ცვლილებების მიზანი იმ სირთულეების აღმოფხვრაა, რომელთაც მინის ნაკვეთების მფლობელები ქონების რეგისტრაციის პროცესში აწყდებოდნენ. კანონის თანახმად, მინის ნაკვეთების რეგისტრაციის პროცედურა გამარტივდა; მოიხსნა ბარიერები, რომლებიც მესაკუთრეს ექმნებოდა. ახალი კანონი მინის რეგისტრაციის პროცედურების გამარტივებასა და მესაკუთრის უფლებების დაცვაზეა ორიენტირებული. სამუშაო შეხვედრა დიალოგის რეჟიმში წარიმართა.

კორონავირუსის პრევენციული ღონისძიებების ფარგლებში



სენაკის საგანმანათლებლო რესურსცენტრის საკონფერენციო დარბაზში, მუნიციპალიტეტის მერის პირველი მოადგილე გრიგოლ ბალათურია, მერის მოადგილე კახაბერ კუპრეიშვილი, საგანმანათლებლო რესურსცენტრის დირექტორი დარეჯან ზარანდია მუნიციპალიტეტის საზოგადოებრივი ჯანდაცვის ცენტრის დირექტორთან ანა ჭიჭულასთან, ცენტრის ეპიდემიოლოგებთან - ლალი ავალიანთან, ნინო ოდიშარიასთან და შპს „პანაცეა+1“ დირექტორთან ირმა საჯაიასთან ერთად, მუნიციპალიტეტში მოქმედი ზოგადსაგანმანათლებლო სკოლების დირექტორებსა და წარმომადგენლებს შეხვედრენ. სამუშაო შეხვედრაზე, კორონავირუსის პრევენციული ღონისძიებების ფარგლებში, ახალი რეკომენდაციები გაიცა. ამ ეტაპზე, სადეზინფექციო სამუშაოები ყველა საჯარო და

კერძო სკოლაში დაწყებულია. როგორც ცნობილია, პრემიერ-მინისტრის ხელმძღვანელობით, კორონავირუსთან დაკავშირებით მოქმედი უწყებათაშორისი საკოორდინაციო საბჭოს რეკომენდაციის საფუძველზე, სასწავლო პროცესი 2-დან 16 მარტამდე უკვე შეწყდა ყველა საჯარო სკოლასა და სააღმზრდელო დაწესებულებაში. სასწავლო დაწესებულებებმა, პროფილაქტიკის მიზნით, უნდა ჩატარონ სადეზინფექციო სამუშაოები, ჯანდაცვის სამინისტროს მიერ განერილი პროტოკოლის შესაბამისად.

მორიბი წარმატება



ქალაქ ქუთაისში, დაავადებათა კონტროლისა და საზოგადოებრივი ჯანმრთელობის ეროვნული ცენტრის ორგანიზებითა და FIND-ის მხარდაჭერით, სამუშაო შეხვედრა გაიმართა. შეხვედრას - „C ჰეპატიტის სკრინინგით დადებითი პირების დაკავშირება შემდგომ დიაგნოსტიკურ კვლევებსა და მკურნალობაზე“ დაავადებათა კონტროლისა და საზოგადოებრივი ჯანმრთელობის ეროვნული ცენტრის გენერალური დირექტორი ამირან გამყრელიძე, FIND-ის პროექტების ხელმძღვანელი საქართველოში, დაავადებათა კონტროლისა და საზოგადოებრივი ჯანმრთელობის ეროვნული ცენტრისა და საქართველოს მასშტაბით, საზოგადოებრივი ჯანდაცვის ცენტრების წარმომადგენლები, სოფლის ექიმები და დარგის ექსპერტები ესწრებოდნენ. აღსანიშნავია, რომ პირველად ჯანდაცვაში ინტეგრირებული სკრინინგის წარმატებით განხორციელებისთვის, სამეგრელოს რეგიონიდან ორი მუნიციპალიტეტი - სენაკი და წალენჯიხა დაჯილდოვდა. დაავადებათა კონტროლისა და საზოგადო-

ებრივი ჯანმრთელობის ეროვნული ცენტრის გენერალურმა დირექტორმა ამირან გამყრელიძემ, სენაკის მუნიციპალიტეტის საზოგადოებრივი ჯანდაცვის ცენტრის დირექტორს ანა ჭიჭულას მადლობის სიგელი გადასცა და შემდგომი წარმატებები უსურვა. მადლობის სიგელები ასევე გადაეცათ შპს „სენაკის მუნიციპალიტეტის ამბულატორიულ-პოლიკლინიკური გაერთიანების“ ხელმძღვანელს, მურმან ბოჯგუასა და ოჯახის ექიმს თეა სახოკიას.

მუნიციპალიტეტის მერიის საზოგადოებასთან ურთიერთობის და ინფორმაციული უზრუნველყოფის განყოფილება

ლიტერატურული პრემია

ცნობილ მწერალსა და საზოგადო მოღვაწეს, ბორის დავითაიას კლასიკოსი მწერლის ალექსანდრე ყაზბეგის ლიტერატურული პრემია მიენიჭა

ბორის დავითაია 20 -ზე მეტი წიგნის ავტორია. მისი გახმაურებული დეტექტიური რომანები „გამომძიებელი ქალი შორენა“ გამოიცა 16 ნაწილად. დიდი ტირაჟებითა და განმეორებებით. სადაც ასახულია მე-20 საუკუნის 80- 90 -იანი წლების ქაოსი. განუკითხაობა და უსამართლობა. ამიტომ გახდა ის პოპულარული და საინტერესო მკითხველთათვის. მწერალს აქვს სათავგადასავლო და ავტობიოგრაფიული რომანები, მათ შორის საყურადღებოა საქ. კათალიკოს პატრიარქის ამბროსი ხელაიას ცხოვრებისა და მოღვაწეობის ამსახველი ნარკვევი „წამებული პატრიარქი“.

ჩვენი რაიონისათვის მნიშვნელოვანია, რომ გამოცა „სენაკის მატაიანე“, 700 გვერდიანი, სადაც მოკვლეულია მასალები ქალაქის დაარსებიდან დღემდე.

ბ. დავითაია ავტორია ისტორიული რომანისა „მზე ქარიშხალში“, სადაც აღწერილია ეგრისის სამეფოს აღმავლობის ეპოქა. შემოქმედმა კალამი სცადა პუბლიცისტიკაში. აქვეყნებს გამოკვლევებსა და წერილებს მეცნიერულ, ლიტერატურულ და ყოფით საკითხებზე. უვლის მივიწყებული

მწერლების გ. ჭალადიძისა და ნ. დადიანის საფლავებს. საკუთარი სახსრებით გამოსცა გ. ჭალადიძის ლექსების კრებული „რჩეული.“
ენვეა ნაყოფიერ პედაგოგიურ მოღვაწეობას.



2002 წელს, სამწერლო და პედაგოგიური მოღვაწეობისათვის დაჯილდოვდა „ღირსების ორდენით“. 2003 წელს საბავშვო მოთხრობებისთვის მიეკუთვნა „უკვდავი აკაკი წერეთლის“ ლიტერატურული პრემია. არჩეულია საერო აკადემია „აია“ -ს ნამდვილ წევრად.

მიმდინარე წლის 4 მარტს მწერალთა კავშირმა მიანიჭა კლასიკოსი მწერლის ალექსანდრე ყაზბეგის ლიტერატურული პრემია. „უკანასკნელ წლებში გამოქვეყნებული პროზაული და პუბლიცისტური ნაწარმოებებისთვის. შემოქმედებითი აქტიური მოღვაწეობისათვის“

ვულოცავთ და ვუსურვებთ მომავალ წარმატებებს ბორის დავითაიას.

საუბრობენ განუღებელ საქმიანობაზე

ნომრის სტუმრები არიან მუნიციპალიტეტის საკრებულოს წევრები მაია ადამია და მირანდა მირცხულავა. ისინი დედის და ქალთა დღეებს ულოცავენ ქალბატონებს და მოკლედ საუბრობენ განუღებელ პერიოდში განუღებელ საქმიანობაზე.

1. ხართ თუ არა თქვენ როგორც დეპუტატი, პრობლემების მოგვარების საქმეში საზოგადოების, თქვენი ხალხის, ამომრჩევლის გვერდით?
2. რა პრობლემების დაყენება და მოგვარება შეძელით განუღებელ სადეპუტატო პერიოდში?
3. როგორ ახერხებთ საოჯახო ბიუჯეტის განკარგვას და განაწილებას?
4. მარტში აღინიშნება დედის და ქალთა დღეები, რას უსურვებთ დედებს და საერთოდ ქალბატონებს?

მაია ადამია - სენაკის მუნიციპალიტეტის საკრებულოს წევრი



1. რა თქვა უნდა, და ეს ასეც უნდა იყოს. დეპუტატი ყოველთვის ამომრჩევლის გვერდით დგას. მისი პირდაპირი მოვალეობაა იყოს შუამავალი მასსა და ადგილობრივ ხელისუფლებას შორის.

2. განვიღებ სადეპუტატო პერიოდში, თეკლათის თემის მოცხოვრებელთა მიერ წამოჭრილი არაერთი საკითხი

იქნა განხილული და შესაბამისი სამსახურების უშუალო ჩარევით მოგვარდა კიდევ. უნდა აღინიშნოს, რომ შავი საფარი დაიგო ტყირის (3 კმ), რეკის (1,8 კმ) და გოლასკურის (6,7 კმ) უბნებში. რეკის უბანში შემოკავებულ იქნა საყანე და საძოვრისათვის განკუთვნილი ტერიტორია. ტყირის, გოლასკურისა და საგვარამოს უბნებში ამოწმინდა სანიაღვრე არხები. რეკის უბანში მოეწყო ცხაური. ქვით შემოკავდა გოლასკურის ცენტრის ტერიტორია, მოიხრემა იქ არსებული ჭაბურღილის მიმდებარე ტერიტორია, რეაბილიტაცია ჩატარდა მგზავრთა მოსაცდელს. გარეგანათება დამონტაჟდა ტყირისა და გოლასკურის უბნებში.

3. საოჯახო ბიუჯეტის განკარგვასა და განაწილებას შეძლებისადაგვარად ვახერხებ.

4. ყველა დედასა და ქალბატონს დიდი სიყვარულით ვულოცავ გაზაფხულის ამ ლამაზ დღეებს. ვუსურვებ ჯანმრთელობას, ბედნიერებასა და გაზაფხულივით ლამაზი დღეების სიმრავლეს.

მირანდა მირცხულავა - მუნიციპალიტეტის საკრებულოს წევრია „ნაციონალური მოძრაობის“ თავმჯდომარე



1. იყო საკრებულოს წევრი, ეს ნიშნავს პასუხისმგებლობას საკუთარი ამომრჩევლის წინაშე. მე ვარ და ვიქნები მათ გვერდით, რადგან ეს არის პრინციპული მიდგომა ჩემთვის. როდესაც ხალხი გიცხადებს ასეთ ნდობას, შენც თავისთავად ვალდებული ხარ იყო მათ სამსახურში.

2. მე, როგორც საკრებულოს ოპოზიციული პარტიის დეპუტატი, ხშირად მომმართავენ სენაკში მცხოვრები მოქალაქეები მათი პრობლემის მოგვარების მიზნით. ჩემი შესაძლებლობების ფარგლებში ვეხმარები და მომავალშიც დავეხმარები გარკვეული პრობლემის მქონე თანაქალაქელებს. მართალია, პოლიტიკური სტატუსის გამო, შესაძლოა ამისათვის საკმარისი ბერკეტი არ გამაჩნია, მაგრამ შესაბამისი სამსახურების მიმართვისა და მათთან შუამდგომლობის საფუძველზე შესაძლებელი გახდა გზების, გარეგანათებისა და სოციალურად დაუცველთათვის პრობლემური საკითხების მოგვარება.

3. დღევანდელ პირობებში, როცა ქვეყანაში მდგომარეობა არასახარბიელოა, როდესაც ფასები პროდუქტებზე, პირველადი მოხმარების ნივთებსა და ნამლებზე დღიოდღე იზრდება, რთულია გაუმკლავდე შენს წინაშე მდარი პრობლემებს, ამას კი საოჯახო ბიუჯეტი თავისთავად ვერ განვადება.

4. სიმბოლურია, რომ დედის დღე გაზაფხულის დასაწყისშია. მინდა, მთელი გულით მივულოცო ყველა დედას და ქალბატონს 3 და 8 მარტი. მჯერა, სანამ დედაშვილობის მარადიული გრძნობა არსებობს, მუდამ იარსებებს დედამინა. მინდა ვისურვო ერთიან და ძლიერ საქართველოში ცხოვრება.

მომამზადა მარიკა მიქაბერიძემ

ქპირფასო ქალბატონებო!



უპირველეს ყოვლისა, უდიდესი პატივისცემით, ბედნიერებისა და წარმატების სურვილით, გილოცავთ დედის დღეს. დაფასებული ყოფილიყოს თქვენი შრომა და ამაგი. დედობა უდიდეს ბედნიერებასთან ერთად უდიდესი პასუხისმგებლობა და მრავალი უძილო ღამეა შვილებისთვის ნათენები. დამეთანხმებით ეს ნამდვილი გმირობაა. ამ თავგანწირვის საპასუხოდ კი მინდა გისურვოთ წარმატებული და საიმედო შვილები, ჯანის სიმრთელე და უზრუნველი სიბერე.

საუკუნეზე მეტია, რაც მსოფლიო მასშტაბით აღინიშნება 8 მარტი, როგორც ქალთა საერთაშორისო სოლიდარობის დღე. მინდა ყველა ქალბატონს მივულოცო გაზაფხულის ეს ლამაზი დღესასწაული, რომელიც ქალთა უფლებების დაცვის სიმბოლური გამოხატულებაა.

საქართველოში ისტორიულად ყოველთვის დაფასებული იყო ქალის როლი საზოგადოებაში, მაგრამ დღევანდელ გამოწვევად მაინც რჩება გენდერული თანასწორობის უზრუნველყოფა და ქალთა უფლებრივი მდგომარეობის გაუმჯობესება. სამწუხაროდ ქალთა მიმართ ძალადობის ფაქტებმა იმატა, სწორედ ამიტომ ჩვენი ყველას ვალია ჩავერთოთ „ქალთა მიმართ ძალადობის წინააღმდეგ ბრძოლაში“ და ერთად შევექმნათ თანასწორი გარემო.

პატივისცემით, **თათია ჯინჯოლავა**,
სენაკის მუნიციპალიტეტის საკრებულოს
სივრცით-ტერიტორიული დაგეგმარებისა და ინფრასტრუქტურის
კომისიის თავმჯდომარე **თათია ჯინჯოლავა**

როცა ირგვლივ სიმშვიდე და სიყვარულია



ნელინადის უმშვენიერესი დრო შემობრძანდა თავისი სილამაზითა და სინაზით, ახლის დასაწყისით, იმედითა და სიხარულით.

ჩვენი ნომრის სტუმარია - ახალგაზრდა ექიმ-ენდოკრინოლოგი მონიკა ნანეიშვილი.

მონიკა დაიბადა ქ. ქუთაისში 1991 წლის 3 ივლისს. სწავლობდა ქ. სენაკის №1 საჯარო სკოლაში 1997-2005 წლებში, 2006-2009 წლებში კი - კერძო სკოლა მარიოტაში. დაამთავრა მედალზე. სწავლობდა სენაკის სამუსიკო სკოლაში შვიდწლედში და შემდგომ სამუსიკო ათწლედში, რომლებიც დაამთავრა წარჩინებით.

2009 წელს ჩაირიცხა თბილისის სახელმწიფო სამედიცინო უნივერსიტეტში მედიცინის ფაკულტეტზე, რომელიც დაამთავრა 2015 წელს. იყო პრეზიდენტის სტიპენდიანტი. 2016-2019 წლებში სწავლა განაგრძო თბილისის სახელმწიფო სამედიცინო უნივერსიტეტის რეზიდენტურაში ენდოკრინოლოგიის მიმართულებით.

2019 წლიდან მშობლიურ ქალაქში დაბრუნების შემდეგ მუშაობს შპს. სენაკის ამბულატორიულ-პოლიკლინიკურ გაერთიანებაში და შპს. სენაკის საავადმყოფო-პოლიკლინიკურ გაერთიანებაში ექიმ-ენდოკრინოლოგად.

რედაქციამ რამდენიმე კითხვით მიმართა მონიკა ნანეიშვილს. დამეთანხმებით ალბათ, რომ გაზაფხული ასოცირდება ქალთან. რა ემოციებისა და დატვირთვის მატარებელია თქვენთვის ნელინადის ეს დრო?

გაზაფხული ნელინადის მართლაც უმშვენიერესი დროა, რომელსაც კიდევ უფრო ამშვენებს ქალთა ლამაზი დღესასწაულები, რითაც მარტი გვანებებურებს.

თქვენ როგორც რეალიზებული თქვენს პროფესიაში, რას ეტყობით და რა რჩევას მისცემდით იმ ქალბატონებს, რომელთაც არ გააჩნიათ პროფესია და მხოლოდ საოჯახო საქმეებით არიან დაკავებული. როგორ ფიქრობთ რა არის საჭირო იმისათვის, რომ ქალი ერთნაირად წარმატებული იყოს როგორც თავის საქმიანობაში ასევე პირად ცხოვრებაში?

ვთვლი, რომ რთულია ასეთ საკითხში რჩევის მიცემა, მაგრამ ზოგადი ფორმულა წარმატებისა არის კეთილსინდისიერად მუშაობა საკუთარ თავზე, რომელიც აუცილებლად დაგვეხმარება დასახული მიზნის მიღწევაში. რაც შეეხება დიასახლისებს, მიმართა, რომ ეს პრომატევადი და დასაფასებელი საქმიანობაა. მივესალმები ისეთ ქალბატონებს, რომლებიც ახერხებენ პირადი კარიერა პარამონიულად შეუთავსონ საოჯახო საქმიანობას. საბედნიეროდ ბევრი ასეთი ქალბატონია ჩვენს ირგვლივ.

ყველა ადამიანს აქვს ძლიერი და სუსტი მხარეები. თქვენს

შემთხვევაში რას თვლით თქვენს ძლიერ და სუსტ მხარედ?

საკუთარ თავზე რთულია საუბარი, მაგრამ მაინც შევეცდები გიპასუხო. ჩემი დადებითი და ძლიერი მხარე არის - შრომისმოყვარეობა, რაც შეეხება ჩემს სუსტ მხარეს - არასოდეს ვნებდები და ვებრძვი უსამართლობას...

რამ განაპირობა თქვენი პროფესიული არჩევანი?

ჩემი პროფესიული არჩევანი განაპირობა დიდმა სურვილმა დავეხმარო ადამიანებს ჯანმრთელობის შენარჩუნებასა და სიცოცხლის გახანგრძლივებაში. რაც შეეხება თვისებებს ბავშვობიდანვე ვიყავი შრომისმოყვარე და მიზანდასახული, ასევე დედის პროფესიოდან გამომდინარე ხშირად მიწევდა პაციენტების გარემოში ყოფნა და ძალიან მომწონდა ექიმობა

ადამიანის ცხოვრებაში ყველაზე ლამაზი ბავშვობის წლებია. როგორ გაიხსენებდით თქვენს ბავშვობას?

ბავშვობის წლები მართლაც ყველაზე ლამაზად მოსაგონარია. ჩემს თაობას რთულ პერიოდში მოუწია ბავშვობის წლებმა, მაგრამ მიუხედავად სირთულეებისა სიხალისე და ურთიერთპატივისცემა ქარბად იყო. განსაკუთრებით ლამაზად მაგონდება მუსიკალურ სამყაროში გატარებული წლები, რომელმაც ბევრი სიხარული შემატა ჩემს ცხოვრებას, ისე რომ დღემდე ვერ ვშობდები მუსიკას... და ბოლოს... რას უსურვებთ ქალბატონებს?

ყველა მანდილოსანს განურჩევლად ეროვნებისა და სტატუსისა ვუსურვებ პირველ რიგში მშვიდობას, ჯანმრთელობასა და ბედნიერებას, რადგან ქალი მხოლოდ მაშინ არის ბედნიერი, როცა მის ირგვლივ სიმშვიდე, სიყვარული და ურთიერთგაგებაა. სწორედ ასეთ ცხოვრებას ვუსურვებ ყველა ქალბატონს.

რედაქცია უპირველესად ახალგაზრდა ექიმს ულოცავს მარტის დღესასწაულებს, უსურვებს წარმატებულ პროფესიულ კარიერას და ბედნიერ მომავალს.

მომამზადა მ. ბაღათიურიამ

გაზაფხულია, მარტი - კვირტების სკდომა, იების ჭიჭიტი ნაზამორალ ბუჩქებში. იღვიძებს ბუნება, მწვანე ტალღებზე მოღვლებს სიცოცხლე, თბილი დღეებით იხუნძლება შემოგარენი. გაზაფხულის ძალუმ სუნთქვას დედის, ქალის სინაზე, სითბო და სილამაზე ახლავს თან. იგი ქალივით თბილი და მოალერსეა. ქალი სიცოცხლის საწყისია, მაგრამ უპირველესად დედა, უსაზღვროა დედის ღვანლი და ამაგი. ამბობენ დედას ეროვნება არა აქვსო.

კვდამოსილება, სითბო და სილამაზე თანხვედრია ჩვენი რესპონდენტი ქალბატონისათვის. ეს ქალბატონი, ეროვნებით ბერძენი, სენაკელების რძალი ია ტომაშვილი. როგორც თვითონ ამბობს, საქართველოში ჩამოსულა მისი ბაბუა და მას შემდეგ აქ დარჩენილან. ია დაიბადა ქუთაისში, დაამთავრა ქუთაისის № 9 რუსული საშუალო სკოლა. სწავლა გააგრძელა ხარკოვის სახელმწიფო უნივერსიტეტი. დაამთავრა აღნიშნული უნივერსიტეტის ქიმიისა და ფარმაციის ფაკულტეტი. ხარკოვში სწავლის პერიოდში თავისი ცხოვრება და-

როცა ყვავილებს ჩუქნიან...

უკავშირა სენაკელ მალხაზ ჩალიგავას, რომელიც ასევე ხარკოვში ღებულობდა უმაღლეს განათლებას.



ბას. ჰყავს ვაჟიშვილი გიორგი ჩალიგავა, რომელიც წმინდა ალექსი შუშანიას სახელობის მართლმადიდებლური სკოლა-გიმნაზიის VI კლასის წარმატებული მოსწავლეა. ქალბატონ იას ძალიან უყვარს თავისი პროფესია, იგი წლებია ემსახურება ემსახურება საყვარელ საქმეს და წარმატებულად უთავ-

ლებს ერთმანეთს დედობასა და პროფესიულ საქმიანობას.

მუშაობა დაიწყო ჰსპ-ს აფთიაქში ფარმაცევტად. შემდეგ გადავიდა ფარმადეპოში. ამჟამად ნინო წმინდას №1-ში მდებარე აფთიაქ ფარმადეპოს მენეჯერია. თავის კოლეგებთან ერთად, კეთილსინდისიერად ემსახურება მოსახლეობას.

კმაყოფილი მოსახლეობისაგან ხშირად გაიგებთ: ფარმადეპოში კარგად გემსახურებიან და რჩევადარიგებასაც არ დაიშურებენო. როგორც ყველა მანდილოსანს იასაც ძალიან უყვარს 3 და 8 მარტის დღესასწაულები, მოსწონს

როცა მისთვის საყვარელი მამაკაცები: მეუღლე და შვილი განსაკუთრებული ყურადღებითა და საჩუქრებით ანებივრებენ. უყვარს ყვავილებს რომ ჩუქნიან.

ეს ორი ულამაზესი თარიღი ამშვენებს გაზაფხულის პირველ თვეს. მე უპირატესობას დედას დღეს ვანიჭებ, რადგანაც დედა ჩემთვის წმინდა არსებობს, რომელმაც გაიზარა ჩვენი სიხარული, წარმატებები, წინააღმდეგობები, ჩვენს გამო გაუძლო არაერთ ტკივილს, განსაცდელს

მიყვარს სიოურპირიზები. ყველაზე მეტად კი გიორგის ეხერხება ჩემი გაკვირვება. წელს კედლის კალენდარი მომართვა, ჩვენი სურათებით. გიორგი კარგად სწავლობს, წარმატებით მონაწილეობს სხვადასხვა კონკურსებსა და ოლიმპიადებში და ამაზე კარგი საჩუქარი ჩემთვის არ არსებობს. -ამბობს ქალბატონი ია. მინდა ვისარგებლო შემთხვევით და ყველა დედას, ყვე-



ლა ქალბატონს, განსაკუთრების გაზეთ „კოლხეთის“ კოლექტივს მივულოცო გაზაფხულის ეს ლამაზი დღესასწაულები, ვუსურვო მათ ლამაზი დღეების სიმრავლე.

გაზაფხული მოვიდა და ერთხელ კიდევ გვაჩუქა დედისა და ქალის დღეები, გაზეთი „კოლხეთი“ დიდი პატივისცემითა და სიყვარულით გილოცავთ ამ დღესასწაულებს. გისურვებთ ჯანმრთელობას, დღეგრძელობას, პროფესიულ წინსვლას და ოჯახურ ბედნიერებას.

მ. გიორგია

მსოფლიო ისტორიის რიგითი უმთავრესი (ეძღვნება ბაბუაჩემის - გიორგი გარუჩავას დაბადებიდან 100 და ფაშისზე გამარჯვების 75 წლისთავს)

ქვეყნის ისტორია არ არის მხოლოდ სახელმწიფოს მეთაურების, პოლიტიკური თუ საზოგადო მოღვაწეების, გამორჩეული ინდივიდების ცხოვრების, მათ მიერ განვლილი გზის ამსახველი დისციპლინა, მან უნდა აღმოაჩინოს და მოგვითხროს თითოეული იმ აგურის შესახებ, რომლითაც შენდება ესა თუ ის სახელმწიფო - სამხედრო მეთაური, მხოლოდ ბრძანებებს გასცემს, ის ნაკლებად ან თითქმის არ მონაწილეობს უშუალოდ ქმედების განხორციელებაში, მისი შემოქმედება დავალებებით შემოიფარგლება, პროდუქტს კი ფიზიკურად ქმნიან რიგითი ჯარისკაცები, მათ მხრებზეა ყველა ის ტვირთი, რასაც ეზიდებიან მოვლენათა მსვლელობისას, რომ მიალენონ მიზანს - მოიგონ ბრძოლა და იარონ ომში საბოლოო გამარჯვებისკენ. გავაწლები, ათწლეულები, დროის მონაკვეთი მიალენეს საუკუნეს, დაალაგებს განვლილ ქაოსს, მოაქცევს მოვლენებს ჩარჩოებში და მოამზადებს ფაქტებს ობიექტური აღქმისათვის, ეს დროის ის ნაწილია, რომელიც უკვე განვლილი ისტორიის შედარებით სწორ მხარეებს გვიჩვენებს... ასეთი რიგითი დადებული აგურია გიორგი გარუჩავას მოღვაწეობის ისტორიისა დაბადებიდან მის გარდაცვალებამდე. მისი ცხოვრების პერიოდიზაციაც სხვადასხვა ფორმაციის იყო - დაიბადა 1920 წელს ქალაქ სენაკში, როდესაც რესპუბლიკური საქართველო დამოუკიდებლობის მესამე წელს ითვლიდა, წელიწადი არ იყო გასული, რომ სოციალისტური რევოლუციის ექიმ პროლეტარული დიქტატურის ფორმით ჩვენამდეც მოაღწია და საქართველო მოაქცია საბჭოთა სახელმწიფოს საზღვრებში. მისი ბავშვობაც დროის გამოძახილის შესაფერი ქაოტური იყო - წყობილების ერთი ფორმაციიდან მეორეში გადასვლა, საქართველოს დამოუკიდებლობის დაკარგვა, სხვა სახელმწიფოში აღმოჩენა, თანადროული შიმშილი, მაგრამ ბავშვობისა და ყმაწვილკაცობის წლებმა გაუძლეს დროის გამოძახილს და ფონს გავიდნენ.

1939 წელს განვეულ იქნა სამხედრო სავალდებულო სამსახურში ლიტვის რესპუბლიკაში, ქალაქ კაუნასში. სულ მოკლე ხანში, საბჭოთა კავშირზე ფაშისტური გერმანიის თავდასხმის მომენტიდან (1941

წლის 22 ივნისი), მეორე მსოფლიო ომის მოვლენათა ეპიცენტრში აღმოჩნდა - მახსოვს მისი მონათხრობიდან, თუ როგორ დაირღვა საერთაშორისო ნესრიგი მდინარე ნემანის ნაპირებზე, სადაც გერმანელი და საბჭოთა სამხედროები ერთად ტყვეობდნენ ჰიტლერსა და სტალინს შორის დადებული სამშვიდობო ხელშეკრულების ხანმოკლე შედეგებით. ასე აღმოჩნდა ჩრდილოეთის ფრონტზე, რა დროსაც ლენინგრადის (დღევანდელი პეტერბურგი) ბლოკადით გამოწვეულ მძიმე და სახიფათო მოვლენების უშუალო მონაწილე და ისტორიის დამწერი შეიქნა. იგი იბრძოდა ვოლხოვის ფრონტზე, როდესაც ფაშისტებმა ბლოკადაში მოაქციეს ლენინგრადი, ლადოგის ყინულოვან ტრასაზე, „სიცოცხლის გზა“ რომ უწოდეს ლენინგრადელებმა, გიორგი გარუჩავას „თანაბოლკელებთან“ ერთად ევაკუირებული ბავშვები და მოხუცები გადაჰყავდა დიდ მინაზე. მაგრამ ეს მანამ, სანამ თავად არ მოექცნენ ალყაში. 1943 წლის იანვარში საბჭოთა არმიამ გაარღვია ბლოკადის რკალი და ვოლხოვის ფრონტის მეგრძობელებმა 36-კილომეტრიანი რკინიგზის შტო გაიყვანეს, რითაც შექმნეს ზურგი საკმარი სურსათითა და საბრძოლო იარაღებით. ნევისპირა ქალაქის საბოლოო განთავისუფლებას, 1944 წლის დასაწყისში, წერტილი დაუსვა ლენინგრადის და ვოლხოვის ფრონტების მეგრძობელების სტრატეგიულ-გმირულმა სამხედრო მანევრმა, ბალტიის ფლოტის თანამონაწილეობით. შემდეგ დაიწყო შეტევები დასავლეთით - ბაბუაჩემი მონაწილეობს ნოვგოროდისა და ლატვიის განთავისუფლებისათვის უთანასწორო ბრძოლებში, რასაც შედეგად მოჰყვანა მისი მძიმედ დაჭრა, გამოჯანმრთელების შემდეგ კვლავ ფრონტის ხაზზე ბრუნდება, ამჯერად გზა დრეზდენისა და ლაიფციგისაკენ მიემართებოდა, ეს იყო გზა ხალხთა თანადგომისა, სოლიდარობისა და ძმობისა, მიმართული მსოფლიოში მშვიდობის დასამყარებლად, ნუ გაიკვირვებთ, შეიძლება ხმაიმალ-



ლად ჟღერს, მაგრამ ასეა - რიგითი ჯარისკაცის ოცნებაც ამ პრინციპს ემყარებოდა..

გიორგი გარუჩავას საბრძოლო მოქმედებებში მონაწილეობის გარკვეული ეპიზოდები არაერთი ჟურნალისა თუ წიგნის ფურცელზე აღიწერა, მაგალითისათვის მოვიყვან - 1941 წლის 24 სექტემბერს გაზეთ „პრავდაში“ კორესპოდენტ უსტინოვის მიერ გაკეთებულ, მეგრძობლ გიორგის სურთით ილუსტრირებულ წერილს, სადაც მოგვითხრობს მისი სამხედრო წარმატებების შესახებ, ასევე 1985 წელს მოსკოვის გამომცემლობამ „ИСКУССТВО“- გამოაქვეყნა ჟურნალისტის ალექსანდრე უსტინოვის წიგნი „ЛЕЙКОИ И БЛОКНОТОМ, რომელიც მიქცვნი 1941-1945 წლების დიდ სამამულო ომში გამარჯვების 40 წლისთავს, სადაც ერთ-ერთ ეპიზოდად საუბარია მის გმირობაზე.

მეორე მსოფლიო ომის დასრულების შემდეგ, 1946 წელს დემობილირებულ იქნა. 1950-იანი წლებიდან ერთგვარ აქტიურ სამოქალაქო ცხოვრებაში. მას როგორც ბუნებით ოპტიმისტს, განწყობით ახალგაზრდულს, იზიდავს მომავალ თაობასთან ურთიერთობა. პროფესიასაც შესაბამის ირჩევს, ამთავრებს ქუთაისის პედაგოგიურ ინსტიტუტს. მისი ცხოვრების დიდი ნაწილი სასწავლო-აღმზრდელობით საქმიანობას უკავშირდება

- 1947 წლიდან პენსიაზე გასვლამდე მუშაობდა ქ. ცხაკაიას (დღევანდელი სენაკი) №4 რუსულ საშუალო სკოლაში, ჯერ სამხედრო დისციპლინის, შემდეგ კი ისტორიის მასწავლებლად. მისი პედაგოგიური შემართება აღმზრდელობით დარგში მაღალ საფეხურს მისწვდა, იყო სკოლის დირექტორის მოადგილე. გარდა აღმზრდელობითი შემართებისა, ის ბუნებით საზოგადო აქტივისტი იყო - 1960 წელს მისი ინიციატივით ჩამოყალიბებულ იქნა ვეტერანთა საბჭო, რომელიც მეორე მსოფლიო ომის მონაწილეთა უფლებებისათვის ბრძოლის სულიერ და მატერიალურ დასაყრდენს წარმოადგენდა, მისი შემოქმედებითი ფაქტობა მხოლოდ ქალაქში არ შემოიფარგლებოდა, მან საბჭოს ბაზაზე ჩამოაყალიბა კლუბ-მუზეუმი, სადაც მსოფლიო ომის ლიდერთა და რიგით მონაწილეთა არაერთი ისტორიული მასალა იყო აფიშირებული, თავადვე იყო ამ საბჭოს დირექტორიც და რიგითი გიდიც... ბაბუაჩემმა ორგანიზება გაუკეთა წიგნების „სენაკელები მეორე მსოფლიო ომში“ სერიულ გამოცემას.

რა მოსატანია ამდენი ფორმალური ჯილდო? ყველაზე დიდი სიგელი ხომ თვით ომის ლაბირინთებში ფიზიკური ყოფნაა, ისტორიის შენი ხელით დაწერა, მაგრამ გარეგნულ მხარესაც თავისი ხიბლი აქვს, ამიტომ ჩამონათვალს ვავაგრძელებ: მეორე მსოფლიო ომში მონაწილეობისათვის მიღებული ჰქონდა მთავრობის ჯილდოები: სამამულო ომის პირველი ხარისხის ორდენი, მედალი საბრძოლო დამსახურებისათვის, 10 საიუბილეო მედალი, ლენინგრადის განთავისუფლებისათვის სამკერდე ნიშანი და სხვა მრავალი სიგელი, იყო ლენინგრადის მეორე მსოფლიო ომის ვეტერანთა საბჭოს საპატიო წევრი, 2001 წელს დაჯილდოვებულ იქნა ღირსების მედალით...

იცვლებიან თაობები, იცვლებიან მთავრობები, იცვლებიან სოციალური ფორმაციები, როგორც თავში ავლნიშვნე, ბაბუაჩემი არაერთი სახელმწიფო მმართველობის,

თუ სოციალური წყობის თანამედროვე აღმოჩნდა, შესაბამისად ქარიშხალსაც მისი გვერდის ავლით არ ჩაუვლია, იყო პერიოდი, როდესაც ისტორია გადაფასდა, ახლებმა ახლებურად აღიქვეს ანმყო - მეორე მსოფლიო ომის რიგითი ჯარისკაცები, რომლებიც სამშობლოს იცავდნენ, თურმე მტრის ბანაკში აღმოჩნდნენ, დაღვრილი სისხლი არაფრად ჩააგდეს, დამზობილ საბჭოთა მმართველობას ომის რიგითი ჯარისკაცის თავგანწირვა გადააყოლეს, დაუკარგეს მსოფლიო წვლილი. ამ ყველაფერს უკვალოდ არ ჩაუღია ბაბუაჩემის ცხოვრებაში, გიორგი გარუჩავას უხდებოდა ბრძოლა ისტორიისა და რიგითი ჯარისკაცის დასაცავად, ისიც კი შეჰბედეს ამ ისტორიული მოვლენის ცოცხალ მატანეებს, რომ თანაინთი ნავთსაფუძვლის ვეტერანთა საბჭოს შენობის მუზეუმი-თურთ წართმევაც კი დაუპირეს, მაგრამ ბრძოლის შედეგმაც არ დააყოვნა, ალბათ სიმბოლურია, ეს ბუნებით მეგრძობი კაცი ისე წავიდა ამ ქვეყნიდან, ადამიანური ღირსებისა და სახედრო პატივის გადასარჩენად ზოლო ხმლის მოქნევაც კი დასჭირდა.

ბაბუაჩემის საზოგადოებრივი მოღვაწეობა ჰარმონიაში იყო მის პირად ცხოვრებასთან, მან თავის მეს კერძო ყოფაშიც არ უღალატა. ომის „ექიმ“ მის ოჯახურ ცხოვრებაზეც იქონია გავლენა, მან მომავალი მეუღლე ვალენტინა სერაგო გაიცნო და შემდგომ ცოლად შეირთო ჩრდილოეთის ფრონტზე ყოფნისას - ბელორუსიის რესპუბლიკაში მცხოვრები, დამწყები პედაგოგი, ბუნებით კეთილშობილი ქალბატონი, შედეგად ეყოლათ ორი ვაჟი: ალექსანდრე გარუჩავა (პროფესიით ექიმი, პირველი კატეგორიის ტრამვატოლოგი), მამაჩემი ვიანესლავ გარუჩავა (პროფესიით ინჟინერ-მშენებელი); შვილიშვილები: ალექსანდრეს ხაზით - დიმიტრი და ანდრეი გარუჩავები, ვიანესლავის ხაზით მაგდა გარუჩავა და თქვენი მონა-მორჩილი გიორგი გარუჩავა და შვილთაშვილები: ნატალია და ილია კირთაძეები.

მომავალი თაობები არ დავივინწყებთ წინაპართა მიერ ჩაყრილ ფუნდამენტს, რომელიც არის პლაცდარმი მომავლისა, გავუფრთხილებით ამ საყრდენს, რათა უკეთ ვიაროთ წინ!

გიორგი გარუჩავა

| | | |
|---|--|--|
| სარედაქციო ადრესი | რედაქციის მისამართი: | რეგისტრირებული სახლის სასამართლოში |
| მთავარი რედაქტორი ნინო სარტანი | სენაკი, ჰაჰაჰაჰის ქ. №103, ტელ: 276150 | რეგისტრაციის №56/7-17 |
| რედაქტორი მელა ბალათონი | რედაქცია ხალხმწიფოებს თანამართლებს პრესის პრინციპით, არ გამოხატავს პოლიტიკური და საზოგადოებრივი ორგანიზაციის ინტერესებს. | გაზეთი უმთავრესად ანგეო, ლაჰაბლონდა და ოფსაბარი წასით ლაიზაჰდა გჰს „ხოლი 36“ |
| კორესპონდენტები: მანა გიორგია, მარია მიხაბერიძე | ინფორმაცია 66529 | ქ. ქუთაისი, ილია ჰაჰაჰაჰის გზა. 33 |
| კონკრეტული სამსახურის სპეციალისტი ჭალიბა ჩაჩიბაია | | ტელ: 223779,223711, 223499 |